

REFERAT NNA - Nuummi Najukkami Ataatsimiititaq d. 13-08-2019

Mødedato Tirsdag d. 13. august 2019 kl. 20:30

Mødested Ataatsimiittarfik 1

Indholdsfortegnelse

Ullormut oqaluuserisassat.....	3
Oqaluuserisassat akuerineqarnerat.....	5
Nalunaarutit.....	6
Ilisimatitsissutit.....	7
2019-imi aningaasaliissutit atugassanngortinneqarsimasut pillugit killiffik.....	8
Aalajangiiffigisassat.....	10
Qinngutsinni suliniut – Nuummi Najukkami Ataatsimiititaliaq.....	11
Qinnuteqaat - Ukiut 20-nngorlugit nalliuttorsiorneq, Timersoqatigiiffik Qeersaat.....	18
Qinnuteqaat – Ningyo Japanimi, Meeqqanut inuusanik isiginnaartitsineq.....	19
Qinnuteqaat – Qooqqut Festival.....	21
Blokkini - eqqumiitsuliornissamut qinnuteqaat.....	23
Qinnuteqaat – Najukkami katersugaasivimmi saqqummersitsinermut kiisalu Blok 5-imi qaartoorneq.....	25
Qinnuteqaat – Meeraaffik, Nuummi Katersugaasivik.....	27
Qinnuteqaat – Kalaallisuunik meeqqanut sammisaqartitsineq.....	29
Qinnuteqaat - Lumnious Greenland, Qinngorput Ukkusissaq.....	31
Qinnuteqaat – Nunani Avannarlerni Unikkaat Oqaluttuallu.....	33
Qinnuteqaat – Kokoro Live, Nunat Avannarliit Nuummi kulturisioqatigiinnerat 2015.....	35
Taasariaqartut allat.....	37
Imaqarniliap akuerineqarnera.....	38

Punkt 1: Ullormut oqaluuserisassat

Ileqquusumik ataatsimiinneq

Nuummi Najukkami Ataatsimiititaliaq

Oqaluuserisassat

Marlunngorneq, ulloq 13. agusti 2019 nal. 16.30-18.30

Ilaasortat

Nivi Katrine Christensen

Arnarissoq Fleischer

Moses Masik Marcussen- Mølgaard

Ujammiugaq Engell

Poul Petersen

Finn Meinel

Aviaq Brandt

Nadia Aviaq Olsen

”Ari” Hansine P Rasmussen

Naleraq Eugenius

Pisinnaanatik nalunaartut

Arnarissoq Fleischer

Poul Petersen

Finn Meinel

”Ari” Hansine P Rasmussen

Aggersarneqarput

Jutho Wilche

Arnanguaq Thiessen

Agneta Mikka Petersen
KajPeter Møller-Heinrich

Punkt 2: Oqaluuserisassat akuerineqarnerat

Beslutning

Oqaluuserisassat taamatut isikkoqartillugit akuerineqarput.

Punkt 3: Nalunaarutit

Beslutning

Allatseqarfimmit:

- Ulloq 4. juuni 2019 Najukkami Ataatsimiititaliap ataatsimiinnerani aningaasatigut tapiissutinik qinnuteqaatit qaammatit tamaasa suliarisarunnaarlugit qaammatit allorlugit suliarineqartalernissaat aalajangiunneqarpoq.

Qinnuteqarnissamut killiffissaritit nutaat nittartakkami takuneqarsinnaapput.

2019-imi Najukkami Ataatsimiititap ileqquusumik ataatsimiinnerani qinnuteqaatit suliarineqassapput: 13. aggusti, 8. oktobari aamma 9. decembari 2019.

- Meeqqanut Ilaqutariinnullu Ataatsimiititap ataatsimiititatut ulloq 11. septembari 2019 Nuummut angalaneranut atatillugu ataatsimeeqatiginissaannut neqeroorut.
- Maannakkut Najukkami Ataatsimiititaliami allatsi qaammatini tulliuttuni qulingiluani utaqqiisaassumik atorfimmi allami atorfeqarallarpoq. Qinikkanut Allatseqarfik pitsaasumik taartaasinnaasumik pissarsiorpoq.
- Arsaattarfiit pillugit killiffik (qulliit ungalullu). Nuussuarmi ungalulerneqareersimasussaavoq. Qinngutsinni qanittumi qullilersuisoqarnissaa naatsorsuutaavoq.

Punkt 4: Ilisimatitsissutit

Punkt 4A: 2019-imi aningaasaliissutit atugassanngortinneqarsimasut pillugit killiffik

2019-imi aningaasaliissutit atugassanngortinneqarsimasut pillugit killiffik

Nuummi Najukkami Ataatsimiititaliaq 2019-imi katillugit 4.225.000 koruuninik atugassinneqarpoq. Tamatuma saniatigut inunnut qulinut qaammammut 2.124 koruuninik akissarsiaqartitsinissamat taakkunannga ilanngaasoqartassaaq, tassa ukiumut 255.000 koruuniussapput.

Taamaalilluni Najukkami Ataatsimiititaliaq 2019-imi 3.970.000 koruuninik aningaasaliissutinik atuisinnaavoq.

2019-imi aningaasaliissutit atugassanngortinneqarsimasut pillugit auggustip aallartinnerani killiffiat imaappoq:

Aningaasartuutit	Aningaasat akuerisat koruuninngorlugit	Aningaasat atornerqartut/kr. [1]
Ataatsimiinnermi sutugassaqartitsineq		6365
Nuummi apummik ilusilersuineq.	120.000 koruunit tungaannut aningaasaliissutigineqarput	120.000
Oqaluttuarisaaneq pillugu allagartalersuutit	20.000 koruunit tungaannut aningaasaliissutigineqarput	6.000
Qiajuk Studio – Nuummi innuttaasunut qitittarfimmik pilersitsinissaq pillugu filmimik takutitsineq oqallinnerlu	10.000	10.000
René Design – paasissutissanik naqiterinermut	8.762	8.762
Arsaattarfiit eqqaanni qullilersuineq ungalulersuinerlu (Maluginiagassaq Suliassaq naammassipat aatsaat tunniunneqassapput)	152.990 kr.	0
Qinnuteqarneq – Meqqaanut sumiginnakkanut angalatitsineq, Meeqqat Ikiortigit	12.025	12.025
Nordisk Koncertkor (Nunani Avannarlerni Erinarsoqatigiit)	34.000	34.000
Nunani Tamalaani Katersugaasiviit Ulluat	26.000	26.000

Nuuk Nordisk Kulturfesitval 2019 (NAPA)	300.000	300.000
Uanga Timera – Teaterprojekt på skolerne	100.000	100.000
Suliniut Law Shifters, Nuummi Eqquitsulianik Saqqummersitsivik	60.000	60.000
Suliniut Narsarsuaq/Sletten. Blok 1-10 my home is where my heart is (angerlarsimaffiga uummatinniippoq)	200.000	200.000
Saqqummersitaq Pinnersaat, Nuummi Eqqumiitsulianik Saqqummersitsivik	65.000	60.000
Tamanut eqqaamiunut atoqqitassaarniartitsinissaq/aqqusinerminuannatitsinissaq	5100	5100
Josef Tarrak teater	251.920	251.920
Katillugit	1.365.797 kr.	1.195.245

Aningaasat atorsinnaasat	Atuineq:	Atorsinnaasat:
Kr. 3.970.000	Kr. 1.195.245	Kr. Kr. 2.774.755

Inassuteqaatigineqarpoq

Inassuteqaatigineqarpoq:

- Ilisimatitsissut tusaatitut tiguneqassasoq

[1] Suliniutinut ataasiakkaanut inaarutaasumik naatsorsuusiartit sillimaffigineqassaaq. Aningaasat atorneqanngitsoortut Najukkami Ataatsimiititamut utertinneqassapput

Beslutning

Aalajangerneq

Ilisimatitsissut tusaatitut tiguneqassasoq

Punkt 5: Aalajangiiffigisassat

Punkt 5A: Qinngutsinni suliniut – Nuummi Najukkami Ataatsimiititaliaq

Qinngutsinni suliniut – Nuummi Najukkami Ataatsimiititaliaq

Nuummi innuttaasut, peqatigiiffiit kommunimilu qinikkat suleqatigalugit suliniutinik sammisasaqartitsinikkullu aallarnisaassapput najukkami ineriartorneq, ataqatigiinneq inuunerullu pitsaassusaa nukittorsarumallugu.

Qinigaaffiup ukiuni pingasuni sivisussuseqartup iluani (2018-2021), Nuummi Najukkami Ataatsimiititaliap innuttaasunut Nuup illoqarfitaani tamaginni iluaqutaasussanik suliniutinik pilersaarutinilluunniit annikinnernik aallarnisaanissamik anguniagaqarpoq. Najukkami Ataatsimiititaliap 2019-imi Qinngutsinni kusasaanissaq timi atorlugu sammisasaqarnermi silamilu periarfissat pitsanngorsarnissaat qitiutippaat.

1. Najukkami Ataatsimiititaliap illoqarfiup ilaani allani 2019-imi suliniutinik aallartisaanginnissaanik sunniuteqarnaviangilaq, Qinngutsinnili pitsanngorsaaniarnermut suliniutit qitiutinneqartut innuttaasunik peqataatitsilluarnermik ilisarnaateqassapput.

Innuttaasunik peqataatitsineq

Najukkami Ataatsimiititaliap Qinngutsinni takorluukkanik siunnersuutinillu toqqaanissamat piviusunngortitsinissamullu sulissuteqarneq aallartisarlugi Qinngutsinni innuttaasunik ataatsimiititsiniarneq pilersaarutigaa 2019-imi aggustip naanerani ingerlatissallugu.

Innuttaasunik ataatsimiititsinermi innuttaasut najukkaminni suliniutinut peqataanissaannik najukkamilu oqartussaaqataanissaannik kajumissaarnissaat siunertarinearpoq. Innuttaasut siunnersuutinut saqummiunneqartunut ineriartueqqinnissaminnik peqatiserinearput aammattaaq namminneq isumassarsiaminnik saqummiinissamat peqarfissaqassallutik. Taamaasilluni Qinngutsinni najugallit isumassarsianik ineriartortitassanut taperseeqataassapput tassuunalu najugaqartut pisariaqartitaannut aaqiissutissat matussusernissaat qulakkeerneqassalluni. Innuttaasut ataatsimiigaaqquneqarpata susasaqartut allat aggersarneqassapputaaq, uani aamma ingerlatsiviit attuumassuteqartut, atuarfik, Brugseni aamma Pisiffik.

Tassunga atatillugu atuarfik suleqatigalugu atuaqatigiit toqqakkat sumiiffimmi sammisasaqartitsinermi periarfissanik amigaataannik imaluunniit sumiiffimmut takorluugaannik pisuttuartillugit titartaatinneqarsinnaapput/allattuitillugit. Titartakkat innuttaasunik ataatsimiititsinermi saqummiunneqarumaarput.

Killiffik

Matuma ataani Najukkami Ataatsimiititaliap Qinngutsinni pitsanngorsaataasussanut/suliniutinut siunnersuutaasa killiffii allattorneqarput.

Siunnersuutit toqqarneqartut innuttaasut suleqatigalugit aggustip naanerani ataatsimiitinneqarneranni eqqartorneqassapput, siunnersuutit ineriartorteqqillugit.

Siunnersuutit tamarmik Najukkami Ataatsimiititaliap missingersuutaannit piviusunnngortinneqarsinnaanngillat. Siunnersuutit kissaatigineqartullu Najukkami Ataatsimiititaliamit piviusunnngortinneqarsinnaangippata, Najukkami Ataatsimiititaliap kommunimi ataatsimiititamut attuumassuteqartumut ingerlateqqissavai.

1. Silami timilu atorlugu sammisassaqaarnissamut periarfissat.	
<i>Siunertaq: Qinngutsinni silami timilu atorlugu sammisassaqaarnissamut periarfissanik pitsannngorsaaneq.</i>	
SIUNNERSUUT	KILLIFFIK
<p>Arsaattarfiup eqqaani pitsannngorsaaneq.</p> <p>Målit tunuani ungaluliineq kiisalu qullersualiineq (Obs Najukkami Ataatsimiititaliap Nuussuarmi arsaatarfik ungalulernikuaat aamma).</p>	<ul style="list-style-type: none"> • 2019-imi aningaasaliissutit sanaartugassamut immikkoortinneqarput. Ulloq 12, februaari 2019-imi aalajangiineq innersuussutigalugu. • Sanaartorneqarneri aallartereerput 2019-illu ukiaanerani naammassinissaat naatsorsuutigineqarluni.
<p>Inuusuttut illuannik pilersitsinnissamut siunnersuutit.</p> <p>Nuummi Najukkami Ataatsimiititaliaq 2019-imi marsip 12-ani Meeqqanut Atuarfeqarnermullu Ataatsimiititamut Qinngutsinni inuusuttut illoqalernissaanik pilersitsinnissamut siunnersuuteqarluni allagaqaateqarpoq.</p>	<ul style="list-style-type: none"> • Saaffiginnissut Meeqqanut Atuarfeqarnermullu Ataatsimiititap 2019-imi aggustip arfernani ataatsimiinneranni suliarineqarnissaa naatsorsuutigineqarpoq. • Suliaq sumut killippa?
<p>Skatertarfiup allilerneqarnissaa.</p> <p>Skatertarfiup skate streetinngortillugu betonngimik allilernissaa . Ilaatigut sumiiffimmi basketkurviliinissaq imaluunniit assingusumik.</p>	<ul style="list-style-type: none"> • Illoqarfimmik Inerisaanermik Immikkoortortaarfik: immikkoortoq pillugu nunaminertamik atugassiisoqanngilaq. Taamaattumik alliliinissaq periarfissaavoq. • Sanarfinermut Avatangiisinullu: akimik missingersuineq. • Peqqinnermut Sammisassaqaartitsinerimullu immikkoortortaarfik peqataatinneqassaaq. • Siunnersuut aggustip naanerani innuttaasunut ataatsimiititsinerimi/sammisassaqaartitsinerimi eqqartorneqassaaq/ineriartortinneqassaaq. 2019
<p>Pinnguarterfimmik/sukisaarsaarterfimmik sanaartorneq.</p> <p>Qinngutsinni nunatat sukisaarsarfiit aattulernerup ernga pequtaalluni masarsuusarpoq. Nunamut tullarfissanik</p>	<ul style="list-style-type: none"> • Sanarfinermut Avatangiisinullu Ingerlatsiviup immikkoortoq masarsuullaartutut naleqqutinngitsutullu nalilerpaa. Nunap naqqanut tunngasut ajornakusoortuunera akimut

<p>assigisaanilluunniit ikkussuisoqarsinnaavoq "nuna toqunartuusaartillugu" pinnguarnermi atornerqarsinnaasunik. Aattornerup ernga sumiiffimmiit uninngaanartikkumanagu "kussiortoqarsinnaavoq", taakkua saniatigut pinnguarnermut aalanermullu atornerqarsinnaapput. Silaanakkoortaat il.il.</p>	<p>sunniuteqassaaq. Akitut missiliuunneqarpoq minnerpaamik 1 mio koruunit.</p> <ul style="list-style-type: none"> • Peqqinnermut Sammisassaqaartitsinermullu immikkoortortaqaarfik peqataatinneqassaaq. • Illoqarfimmik Inerisaanermut Immikkoortortaqaarfik peqataatinneqassaaq. Immikkoortumi AHL-p kangianiittumi nunaminertamut atugassiisoqanngilaq. • Siunnersuut 2019-imi aggustip naanerani innuttaasunik ataatsimiititsinermi/sammisassaqaartitsinermi ineriartortinneqaaqissaaq.
<p>Sikkilnut nunakkoortaatilinnut ujaraaqqanik aqquserniorneq (playground).</p> <p>Ujaraaqqanik aqquserniorneq/playground soorlu sikkilnut nunakkoorsinnaasunut – ukiumi qamutinik sisoorfissatut atornerqarsinnaavoq.</p>	<ul style="list-style-type: none"> • Sanarfinermut Avatangiisinullu Ingerlatsiviup immikkoortoq masarsuullaartutut naleqqutinngitsutullu nalilerpaa. Nunap naqqanut tunngasut ajornakusoortuunera akimut sunniuteqassaaq. Akitut missiliuunneqarpoq minnerpaamik 1 mio koruunit. • Peqqinnermut Sammisassaqaartitsinermullu immikkoortortaqaarfik peqataatinneqassaaq. • Illoqarfimmik Inerisaanermut Immikkoortortaqaarfik peqataatinneqassaaq. • Siunnersuut 2019-imi aggustip naanerani innuttaasunik ataatsimiititsinermi/sammisaqaartitsinermi ineriartortinneqassaaq.
<p>Ikumatitsivissamik issiavissanillu pilersitsineq (soorlu ujaqqanik qiperukkanik).</p>	<ul style="list-style-type: none"> • Akimut 250.000 koruunit missiliuutigineqarput. • OBS: ingerlatsinermi aserfallatsaaliuinissamut aamma ikumatitsiviup saligaatsuutinneqarnissaanut aningaasartuuteqarnissaq ilanngunneqassaaq

<p>1. Illoqarfiup qeqqanik kusassaaneq (Pisiffiup Brugsenillu akornanni)</p> <p><i>Siunertaq: Illoqarfiup qeqqata ataatsimoorfinngornissaa kiisalu atornerqarsinnaanngornissaa innuttaasuniillu avatangiisigissaartutut orniginartuunissaa.</i></p>	
<p>SIUNNERSUUT</p>	<p>KILLIFFIK</p>
<p>Issiaartarfinnik/isikkivilinnik ilioraaneq.</p> <p>Illoqarfiup qeqqani Pisiffiup Brugsenillu akornani</p>	<p>Materielgården saaffigineqarpoq, issiaartarfimmik eqqaavimmillu ilisisoqarumaarpoq.</p>

<p>qaarsunnguup qaavani issiaartarfik.</p>	
<p>Illoqarfiup qeqqani biilnik uninngasoqarnissaanik pinaveersaartitsineq.</p> <p>Illoqarfiup qeqqani biilnik uninngasoqannginnissaa anguniarlugu ujaqqersuineq.</p>	<p>Materielgardi attavigineqarpoq taakkulu isumagissavaat.</p>
<p>Issiavissat/illoqarfimmi pisattat.</p> <p>Illoqarfiup qeqqani "illoqarfimmi pisattanik" imaluunniit issiavissanik pilersitsineq soorlu najukkami eqqumiitsuliortut/sanaluttartut, sumiiffimmi meeqqat/miniklubbi, sanaartornermi peqataatinneqarsinnaapput.</p> <p>Pisiffik Brugsenilu peqataanissamut aggersarneqassapputtaaq.</p>	<ul style="list-style-type: none"> • Najukkami Ataatsimiititaliap nammineq missingersuutaanit matussuserneqarsinnaavoq. • Illoqarfimmik inerisaanermut immikkoortortaarfik suliniummut peqataatinneqarpoq. • Siunnersuut 2019-imi aggustip naanerani innuttaasunik ataatsimiitsinermi/sammisassaqartisermi ineriartortinneqaaqqissaaq.
<p>Illoqarfiup qeqqani eqqumiitsuliat.</p> <p>Eqqumiitsuliat illoqarfiup qeqqani kusassaataassapput. Eqqumiitsuliat ilaatigut qaqqamut qiperugaasinnaapput.</p>	<ul style="list-style-type: none"> • Najukkami Ataatsimiititaliap nammineq missingersuutaanit matussuserneqarsinnaavoq. • Illoqarfimmik inerisaanermik immikkoortortaarfik aamma Kultureqarnermut Immikkoortortaarfik akuutinneqassapput • Siunnersuut 2019-imi aggustip naanerani innuttaasunik ataatsimiitsinermi/sammisassaqartisermi ineriartortinneqaaqqissaaq.
<p>Illoqarfiup qeqqani aaqqissuussineq.</p> <p>Illoqarfiup qeqqani ukiup qanoq ilinera malillugu pikialaartitsineq, juullilernerani niuffatsitsineq assigisaanillu aaqqissuussineq.</p>	<p>Ukiuni tulluuttuni ataavartumik sammisassaqartitsineq.</p>

1. maluginiarneqarpoq, Qinnngutsinni suliniutiginiarneqartut ingerlatsivinnik attuumassuteqartunik ataavartumik peqataatitsinikkut aamma siunnersuutunik isumassarsianillu pitsaasutsimik qulakkeerinnikkut suleqatiginissaat qitiutinneqartoq, kiisalu suliniutit ataqatigiissaarneqarnissaat suliniutigineqartoq kommunillu sumiiffimmut pilersaarutaanut Najukkami Ataatsimiititaliallu siunnersuutaat ataqatigiissinneqartut.

Najukkami Ataatsimiititaliami ilaasortat aalajangersimasut Qinnngutsinni suliniutinut tunngatillugu allatseqarfimmut attaveqartatussanik toqqaasimavoq:

- *Illoqarfiup qeqqanik pitsanngorsaaneq kusassaanerlu:* Nivi Christensen aamma Aviaq Brandt
- *Silami silamilu sammisassaqtitsineq:* Jutho Wilche, Arnarissaq Fleischer aamma Nadia Olsen

Allatseqarfiup inuit qulaani pineqartut peqatigalugit juunip 19-iani 2019-imi Illoqarfimmik Inerisaanermi Immikkoortortaqarfik ataatsimeeqatigaa. Ataatsimiinnermi kommunip sumiiffimmut piffissamut ungasinnerusumut pilersaarutai, nunaminertamik atugassiinnermut, inatsisitigullu eqqumaffigisassat pillugit Najukkami Ataatsimiititaliap suliniutinik aallartisaannginnermini innuttaasunillu ataatsimiitsitsinnginnerani naatsorsuutigisaanut ataqatigiissaarinissaa siunertaavoq.

Aggustip naanerani 2019-imi innuttaasunik ataatsimiitsitsisoqareerpat allatseqarfimmiit ataatsimiitsitanut attuumassuteqartunut kommunalbestyrelsimullu ilisimatitsissummik suliaqarumaarpoq.

Ingerlatsivinnit allaniit oqaaseqaatigineqartut

Sanarfinermut Avatangiisinullu Ingerlatsivik:

Skatertarfiup allilernissaa basket-imilu ajuuffissaq koori.

kr 150.000,-. Annikitsumik nunagissaasoqarsinnaavoq aamma beton-imik assigisaanilluunniit karsiusalianik pisisoqassaaq.

Ikumatitsivik.

Immikkoortoq annikitsaq immerneqarsinnaavoq manissarneqarnilu kr 250.000,- atorlugit

Ingerlatsinermi aserfallatsaaliuinissamut aamma ikumatitsiviup saligaatsuutinneqarnissaanut aningaasartuuteqarnissaaq ilanngunneqassaaq.

Immikkoortoq AHL-p kangianiittoq (Pinnguarterfik sammisassaqtitsivillu) pillugu kissaatigineqartumut tunngatillugu, erseqqissumik siunnersuuteqarnissaaq pisariaqartinneqarpoq, inissisimaffissaa aamma qanoq annertutiginera kiisalu nunap naqqanut tunngasunik misissuineq. Immikkoortoq masarsuullaarpoq naleqqunnanilu. Nunap naqqanut tunngasut ajornakusoortuunera akimut sunniuteqassaaq

Qinnngutsinni pinnguarterik aamma/imaluunniit sammisassaqtitsivik.

Kusserngit, ujarattalersuinerit allallu immikkoortumut atorineqartussat minnerpaamik kr 1,0 mio naleqassapput.

(Pinnguarterfik napasuliartalik, qassutitalik sisoorartarfilillu, ikkussuunna ilanngullugu, kr 200.000,- missiliorlugit akeqarpoq)

Qinngutsinni bane ujaraaralik/pinnguarterfik.

Mountainbikertarfik naammattumik angissusilik minnerpaamik 1,0 mio koruuninik akeqassaaq

Illoqarfimmik inerisaanermut immikkoortortaarfik:

Siunnersuutit Qinngutta najorfigiuminartuutillugu ineriartortinneqarnissaanut pilersaarummut naapertuuttuupput. Suliniuteqarfigineqartussat toqarneqartut tunngavilersorluakkanik siunnersuusiorfigineqarnissaat innersuussutigineqarpoq, suliarineqarnissaanut tunngaasut misissorneqarsinnaaqullugit. Immikkoortorfimmit Najukkami Ataatsimiititaliaq sanaartugassat pilersaarutit ilisimasalinnit siunnersorteqarluni suliarinissaanut aningaasanik pingaarnersiorinissaa siunnersuutigineqarpoq. Illoqarfiup kusassarneqarnissaanut atatillugu immikkoortorfup innersuussutigissavaa, kultureqarnermut immikkoortorfik akuutissagaa, taamaalilluni qaffasissumik pitsaassuseqarnissaa qulakkeerneqassamat.

Meeqqanut Atuarfeqarnermullu Ingerlatsivik:

Peqqissutsimut Sunngiffimmullu immikkoortumit Qinngutsinni suliniutigineqartut pilersaarutigineqartullu tapersorneqarput.

Aammali Nuussuarmi sammisasaqartitsivissamik suliniut aallartisarinarneqalerpoq, tassani aqqusineeraliortoqassaaq. Sammisasaqartitsivimmu tassunga Nuussuup Manngua atuarlugu atortoqartitsisoqarnissaa isumaavoq. Neqeroortitsisoqareernerata kingorna akit neqeroorutaasut qaffasippallaarnerat pissutigalugu atortussanik pisinissamut aningaasasaqartoqanngilaq. Tamannalu suliniutigineqartup 100 %-imik naammassineqarnissaanut ajornartitsivoq. Tamakkiiisumik isigissagaanni, najukkami ataatsimiititaliap suliassamik kivitseqataasinnaanera immaqaa iluaqutaassagaluarpoq.

Allatseqarfimmiit innersuussutit

Ingerlatsiviit attuumassutillit oqaaseqaataat malillugit allatseqarfiup innersuussutigivaa:

- Najukkami Ataatsimiititaliap nammineq atorsinnaasaasa iluini suliniutit piviusunngortinneqarsinnaasut Najukkami Ataatsimiititaliamit pingaartillugit aallunneqassasut, illoqannginnersap pitsanngorsaavigineqarnissaa, skatertarfiup allineqarnissaa kiisalu ikumatitsisarfiliorloqassappat ikumatitsivissaq ilanngullugit
- Innuttaasunik aggustip naanerani ataatsimiititsinissami qulaani siunnersuutit taaneqartut taakkulu ineriartortinneqarnissaat kisimik pineqassasut
- Immikkoortumi AHL-p kangianiittumi kissaatit siunnersuutillu (pinnguarterfik, mountainbikertarfik sammisasaqartitsivillu) suliaralugit ingerlateqqinneqassasut kingornalu immikkoortumut siunnersuutit politikikkut ataatsimiititanut susasaqartunut ingerlateqqinneqassasut.
- AHL-imi atuartunik suleqateqarnissaq pilersinneqassasoq, atuarfiup kangiani immikkoortumi silami suut pilersinneqarnissaanut isumassat pillugit.

Inassuteqaat

- Nuummi Najukkami Ataatsimiititaliamit Qinngutsinni suliniutit aallartinneqartussat eqqartorneqassasut

Ilanngussat

Qinngutsinni sumiiffiup nalunaarsorneqarnera.1

Beslutning

Qinngutsinni suliniutitut tunngatillugu piffissaq ungasinnerusumut pilersaarutit suliniutillu piffissami qaninnermi aallartissinnaasut immikkoortinnissaat aalajangerneqarpoq:

1. Suliniutit tassungalu atatillugu suliassat 2019-imi aallartinneqartussat:

- Ulloq 15. septembari 2019-imi illoqannginersami sammisaqartitsineq (pisiniarfeeqqat, nerisassat, Najukkami Ataatsimiititaliap siunnersuutaannik saqqummersitsineq/takutitsineq, innuttaasut illoqarfiup immikkoortuani iluarsisutaasinnasunik siunnersuutit saqqummiussinnaapput)
- Illoqannginersami qaqqap ilaani atuinissamut tunngatillugu eqqumiitsuliortunik aamma/imaluunniit ujaqqanik qiperuisartunik attaveqarneq
- Pisussa pillugu illoqarfiup immikkoortuani innuttaasunik attaveqateqarneq
- Atuarfiup siulersuisuutit, atuarfimmut, miniklubimut, Brugsenimut allanullu suliaqartunut attuumassuteqartunut allakkat
- Ingerlatsivinnik attuumassuteqartunik ataqatigiissarineq
- Skatertarfiup allilernissaanut ikumatitsivimmillu/shelterimillu pilersitsinissamut siunnersuutit - taakkununga tunngatillugu illussanik titartaasartunik attaveqarsinnaaneq

Siuliini pineqartunut 2019-imi amerlanerpaamik 500.000 koruuniunissaat akuersissutigineqarput.

Allatseqarfik Najukkamut Ataatsimiititaliami suleqatigiit sulianik naammassinninniarnannut ikiutissaaq.

1. Piffissamut ungasinnerusumut pilersaarutit iliuuserisinnaasallu:

AHL-ip kangiani, Ukkusissat ataanni nunap naqqanut tunngasunik misissuinnermut suliniuteqarnissamullu piukkunnarnersoq kiisalu silamiittarnissaq siunertaralugu sanaartornissamut pilersaarutaasinnasut pillugit silamilu sammisassaqartitsinissaq (mountainbikertarfik, playground, qamutit sisorarfik il.il.) pillugu immikkoortumik misissuineq.

Tamatunnga ilanngullugu atuarfiup miniklubillu eqqaani biilnut inissiisarfiit pitsaanerusut kiisalu Arsiarpap, Musap Uiffallu akornanni pinnguartarfeeqqat ugartorneqarput.

Punkt 5B: Qinnuteqaat - Ukiut 20-nngorlugit nalliuttorsiorneq, Timersoqatigiiffik Qeersaat

Qinnuteqaat - Ukiut 20-nngorlugit nalliuttorsiorneq, Timersoqatigiiffik Qeersaat

Najukkami Ataatsimiititaliaq ulloq juunip 14-at 2019 Timersoqatigiit Qeersaanit ukiut 20-nngorlugit nalliuttorsiorneq ataatillugu aningaasanik tapiiffigineqarnissamik qinnuteqaammik tigusaqarpoq. Nalliuttorsiorneq ingerlanneqassaaq oktobarip aallaqqaataani 2019 Katersortarfimmi.

Kaffillernissamut ataqqinaammillu tikeraartussap angalanissaanut aningaasat katillugit 40.600 koruunit qinnutigineqarput.

Missingersuut qinnuteqaammi allassimavoq, tassani ima allassimasoqarmat:

"Ukiunik 20-nik nalliuttorsiuutiginninnermi Nuummi innuttaasunut kaffillernerup siunertaraa utoqqalilluni timip aalatinnissaata pingaaruteqassusaa paasisutigissallugu. Aalanerup ass. naggussatigut anniarneq kiserliornerlu pinaveersaartittarpai. Nuummi utoqqaat timersornerat aallartisaatigalugu taassumalu kingorna Nunatsinnut tamarmut siaruaallugu, Nuummut aggersaarussupugut"

Missingersuummi allaqqavoq ilaatigut atuartut klassiitut ikiuussinnaaratarnissaannut akiliinissamut aningaasanik immikkoortitsisoqartoq, kiisalu innuttaasunut utoqqarnut pitsorluttunut biiliussinissamut.

Aningaasaqarnermut Allatseqarfimmit oqaaseqaatit

Qinnuteqartup aningaasaqarnermut allatseqarfimmut paasititsiissutigaa, innuttaasut tamarmik kaffillernerumut aggersarneqassasut. Naatsorsuutigineqarpoq 1000-1500 akornanni peqataajumaartut Unnukkuani nereqatigiinnissaq peqatigiiffiup ilaasortaanut taakkulu qaaqusaannut peqatigiiffiup nammineq aaqqissuutissavaa.

Inassuteqaat

Inassutigineqarpoq:

- suliniut aningaasatigut tapiiffigineqassanersoq Nuummi Najukkami Ataatsimiititaliamit aalajangiiffigineqassasoq

Ilanngussat

1. Qinnuteqaat, Timersoqatigiiffik Qeersaat

Beslutning

Qinnuteqaatip akuerineqarnissaa ilassilluarneqarpoq, suliniullu 40.600 koruuninik tapiiffigineqassasoq

9 akuersipput 1 taaseqataannigilaq.

Punkt 5C: Qinnuteqaat – Ningyo Japanimi, Meeqqanut inuusanik isiginnaartitsineq

Qinnuteqaat – Ningyo Japanimi, Meeqqanut inuusanik isiginnaartitsineq

Najukkami Ataatsimiititaliaq juulip 30-anni, 2019-imi Meeqqanut tallimanut qulinullu ukiulinnut inuusanik isiginnaartitsinissamut tamatumunngalu atatillugu atuartunut allaanerusumik nutaaliortumillu inuusiortoqarsinnaanissaanik pilersitsinissamut ingerlatsinissamullu aningaasatigut tapiissuteqarfiginissamik qinnuteqaammik tigusaqarput.

Naatsorsuutigineqarpoq 2020-mi januaarimi Illorpumi 3-4-nik isiginnaartitsisoqassasoq. Isiginnaartitsinerit Nuummi 1-5 klassini atuartunut sammitinneqarput. Tassunga atatillugu ilaquataariinnut isiginnaartitsisoqassaartaaq.

Katillugit 200.000 koruunit qinnuteqaatigineqarput.

Missingersuut qinnuteqaammi allassimavoq, tassani ima allassimasoqarmat:

“Isiginnaagassiami angakkuartartoq nunarsuami angalavoq nunanilu allani asanninnermik misigisaqarluni, Kalaallit Nunaanni naggueqarnini eqqaalerpaa. Isiginnaagassiami kulturit assigiinngitsuuneri kalaallisullu tunaartaqarneq takutinnissaa siunertarineqarpoq.

Isiginnaagassiaq Ujarneq Fleischerimit aamma Naleraq Eugeniusimit suliarineqarpoq.

Tassanilu isiginnaartitsisartoq Nukakkuluk Kreutzmann, nipilerisoq Hans-Ole Amossen kiisalu ilitsersuisoq/inuusiortoq Bruce Hunter Canadameersoq suleqatigineqassapput.

- 1. ingerlanneqarnerani meeqqanut sammisaqartitsinermik aqqissuuserusuppugut inuusiornermik inuusioriaatsimit nalinginnaasumit allaanerusumik ilinniartitsillutalu sanatitsilluta. Timi tamaat qanoq atorineqarsinnaanersoq misilittaavugut ulluinnarnilu atortut assigiinngitsut qanoq inuusaliarineqarsinnaanersut misilittaalluta. Sammisaqartitsineq inini atuartitsivinni ingerlanneqassapput, aggerluta meeqqanut sammisaqartitsissaagut.”*

Aningaasaqarnermut Allatseqarfimmit oqaaseqaatit

Eqqumiitsuliortunit teknikerinillu neriorsuutit allaganngorlugit pineqarput.

Meeqqanut Atuarfeqarnermullu Ingerlatsivimmit oqaaseqaatit:

Soqanngilaq

Kultureqarnermut immikkoortortaqarfimmit oqaaseqaatit:

Kultureqarnermut immikkoortortaqarfiup maluginiarpaa Kulturikkut Isumassarsiorfik atuarfinnut sullissiviusoq meeqqanut atuarfimi atuartut eqqumiitsuliortut akilernissaannut aamma pinngorartitsinermik sammisassaqartitsinernut

workshoppertitsinissamut neqerooruteqartarfiusoq. Inuusanik isiginnaartitsinermut tunngasunik workshoppertitsinissamut Kultureqarnermut immikkoortortaqqarfik saaffigineqarsinnaavoq oqaloqatiginissaanut, taannalu Kulturikkut isumassarsiorfiup ataaniippoq, tassami suliniummi kulturikkut assigiinngitsuunermik oqaluttuarnissamut sammisitaammat suliarlu eqqumiitsuliornikkut nutaajulluni pissanganartupilussuovoq.

Inassuteqaat

Inassutigineqarpoq:

- suliniut aningaasatigut tapiiffigineqassanersoq Nuummi Najukkami Ataatsimiititaliamit aalajangiiffigineqassasoq

Ilanngussat

1. Qinnuteqaat
2. Missingersuutit
3. Suliniutip allaaserineqarnera (KAL)

Beslutning

Naleraq Eugenius suliamut attuumassuteqarnini pissutigalugu aalajangeeqataasinnaanani nalunaarpoq, inilu qimallugu.

Qinnuteqaat ilaannakortumik akuerineqassasoq siunertamullu 100.000 koruuninik tapiisoqassasoq aalajangerneqarpoq, oqaaseqaatigalugu suliniut atuarfeqqarfinnut kiffartuussinermut Kulturimut nammattakkamut ilanngunneqarnissaa siunertaralugu Kulturimut Aaqqissuussinermullu immikkoortup suleqatigineqarnissaa qinnuteqartoq kajumissaarneqassasoq.

Punkt 5D: Qinnuteqaat – Qooqqut Festival

Qinnuteqaat – Qooqqut Festival

Najukkami Ataatsimiititaliaq ulloq juunip pingajuat 2019 Qooqqut Festivalip ingerlanneqarnissaanut atatillugu aningaasanik tapiiffigineqarnissamik qinnuteqaammik tigusaqarpoq. agusti 2019. Angalanissanut, atortunut akissarsiassanullu aningaasartuutit matussutissaannik katillugit 70.000 koruunit qinnutigineqarput.

Qinnuteqaammi allassimavoq:

“Qooqqut Festival ukiumoortumik ilaqutariinnut aaqqissuussaavoq immikkuullarissaq akeqanngitsorlu, pinngortitami ingerlanneqartarpoq, tamannalu sammisat aqutigalugit kinguaariit, inuiaat, innuttaasut eqqumiitsuliortullu akornanni ataatsimoornerannik nukittorsaataasuvoq (...).

Aningaasat qinnutigineqartut tulliuttunut aningaasartuutitut matussutaassapput:

Akissarsiassat: 30.000 kr.

Angalanerit unnuinerillu: 30.000 kr.

Atortussat: 10.000 kr.

Missingersuut tamakkiisoq suliniummullu nassuiaat qinnuteqaammut ilanngunneqarput. Ilanngussaq 1-3-mut takukkit.

Aningaasaqarnermut Allatseqarfimmit oqaaseqaatit

Qooqqut Festival 9.-10. agusti ingerlanneqassaaq, taamaalillunilu Najukkami Ataatsimiititaliap ulloq 13. agusti 2019 ileqqusumik ataatsimiinnerani naammassineqariissalluni.

Najukkami Ataatsimiititaliap nittartagaa naapertorlugu, Najukkami Ataatsimiititaliap aningaasanik tapiissuteqartarnermut malittarisassaani allassimavoq: Aaqqissuussaq pereersimagaangat tapiissuteqarnissamat qinnuteqartoqarsinnaanngilaq.

Malittarisassaq pineqartoq qinnuteqartup paasisaa malillugu qinnuteqarnermut ulloq pineqarpoq, tassa Najukkami Ataatsimiititaliap qinnuteqaammik suliarinninneranut piffissaq pinnagu, tamannalu aaqqissuussap naammassinerata kingorna pissussaavoq.

Tamanna pillugu Allatseqarfiup qinnuteqaat Najukkami Ataatsimiititaliap ileqqusumik ataatsimiinnissaanut ulloq 13. agusti 2019 suliaq saqqummiunneqassassoq immikkut ittumik akuersissutigaa.

Siunissami malittarisassap oqaasertai ima allanngortinneqassapput:

Suliap suliarineqarnissaa sioqqullugu aaqqissuussanut pereersimasunut aningaasanik qinnuteqartoqarsinnaanngilaq.

Inassuteqaat

Inassuteqaatigineqarpoq:

- suliniut aningaasatigut tapiiffigineqassanersoq Nuummi Najukkami Ataatsimiititaliamit aalajangiiffigineqassasoq

Ilanngussat

1. Qinnuteqaat
2. Suliniummik nassuiaat
3. Missingersuut

Beslutning

Qinnuteqaat itigartitsissutigineqassasoq aalajangerneqarpoq oqaaseqaatigalugu, Nuummi Najukkami Ataatsimiititaliamit Qooqut Festival asseqanngitsuummat akuersarneqartoq, kisianni Nuummi Najukkami Ataatsimiititaliap sammisaasa, Nuummi illoqarfiup immikkoortuisa, avataaniimmat.

Punkt 5E: Blokkini - eqqumiitsuliornissamut qinnuteqaat

Blokkini - eqqumiitsuliornissamut qinnuteqaat

Ulloq 5. juli 2019, Nuummi Najukkami Ataatsimiititaliaq, Nunat Avannarliit Kulturikkut pikialaartitsinissaannut Nuummi pisussamut, eqqumiitsuliornermut tunngasortaanut atatillugu allaanerusumik immikkut takutsitsinissamut atasumik ininik saqqummersitsilluni atugassanik pilersitsinissamut aningaasatigut qinnuteqaammik tigusaqarpoq.

Qinnuteqaatigineqarput katillugit 93.000 koruunit.

Qinnuteqaammi ilaatigut ima allaqqavoq:

“Nuummi Eqqumiitsulianik Saqqummersitsiviup ininik saqqummersitsivissanik saqqummersitsinernillu Nuuk Nordisk Kulturfestival-imut atatillugu allaanerusumik saqqummersitsinissaq kissaatigaa uku suleqatigalugit Nuuk Nordisk, Disco Art Festival aamma Teater Freez Production.

Teater Freez Production aningaasaliiffigineqareerpoq, Nuuk Nordisk Kulturfestival-imut atatillugu isiginnaagassiaq Sletten i blokkene i Nuuk isiginnaartitsissutiginiissaanut. Meeqeriviusimasut marluk atorunnaartut attartussavaat, tassanili aamma mikinerusunik ininik peqarpoq, taakkulu eqqumiiginarsinnaasunik misileraataasumillu saqqummersitsiviussapput, inuit Nuummeersut takuniarsinnaasaat.

Sermeq pulje-mit tapiiffigineqarluni Bolatta Silis-Høegh Holmit Illuanni micro-mik saqqummersitsivoq ullut pingasut inerlanerinnaanni inunnit 250-nit allakkarneqartumik. Inunnut misigisarujussuusimavoq, tamassumalu pileritsatsippaatigut sulii allaanerusumik ineeqqani saqqummersitsinissamik misileraanissatsinnut. Maannakkut blok 2-mi 6-milu eqqumiitsulianik inissiinissatsinnut akuerisaavugut, neriutigaarpullu tamanna tapersissagissi.

Siullertut eqqumiitsuliortut inuusunnerusut inissaqartinnissaat kissaatigaarput. Århus Kunstakademimi naammasserlaaq Parma O Brandt, Inuuteq Storch, Ivinguak Storch Høegh isumaqatigiissuteqarfigigallareerpavut, taavalu eqqumiitsuliortoqatigiinnit LARM – Jacob Fælling-imit Kenneth Olsen-imillu HOME // HJEM // ANGERLARSIMAFFIGA saqqummersinneqassaaq. Aaqquissuussamut uiggiullugu Disco Arts Festival-imit eqqumiitsuliortut inini performance-mik takutitsinissaannut qaaqqorusuppavut. Taakkua Nuummuk tikereersimassammata taamaallaat immikkut saqqummersitsinissamut atasumik akissarsitinnissaat pineqarpoq.”

Aningaasaqarnermut Allatseqarfimmit oqaaseqaatit

Nuummi Najukkami Ataatsimiititaliap 2019-mi Nuuk Nordisk Kulturfestival-imut atatillugu aningaasaliissutigineqartut ataani paasissutissiissutigivai:

- Nuuk Nordisk Kulturfestival (angerlarsimaffeqanngitsunut tajat akeqanngitsumik, aaqquissuussat meeqqanut inuusuttunullu sammitinneqartut): 300.000 kr.

- Teater Freez Productions (isiginnaartitsissut Sletten i blokkene): 200.000 kr.

- Nordisk Koncertkor: 34.000 kr.

Ukioq 2019-imi Nuuk Nordisk Kommuneqarfik Sermersuumit katillugit 800.000 koruuninik aningaasaliiffigineqarpoq.

Kommunip 2019-imut missingersuutaaniit 300.000 koruunit kiisalu Aningaasaateqarfik Sermeq aqputigalugu 500.000 koruuninik immikkoortitsisoqarpoq.

Inuiaat piorsarsimassusaannut oqaluttuarisaanerannullu immikkoortortaq

Kulturimut Aaqqissuussinermullu immikkoortumit oqaatigineqarpoq saqqummersitsineq pissanganartuusooq init illoqannginnersallu pillugit inuit takorluueriaasaat unammillerneqartarmat. Aammattaaq suliniut illoqarfiit pingaarnersaattut anguniakkamut naapertuuppoq, tassalu illoqarfimmi eqqumiitsuliat takussaanerunissaat.

Inassuteqaat

Inassutigineqarpoq:

- suliniut aningaasatigut tapiiffigineqassanersoq Nuummi Najukkami Ataatsimiititaliamit aalajangiiffigineqassasoq

Ilanngussat

1. Qinnuteqaat

2. Missingersuut

Beslutning

Nivi Christensen suliamut attuumassuteqarnini pissutigalugu aalajangeeqataasinnaanani nalunaarpoq, inilu qimallugu.

Qinnuteqaat akuersissutigineqassasoq aalajangerneqarpoq, siunertamullu 93.000 koruuninik tapiissuteqartoqarluni.

2 taaseqataangillat 7 akuersipput.

Punkt 5F: Qinnuteqaat – Najukkami katersugaasivimmi saqqummersitsinermut kiisalu Blok 5-imi qaartoornerup ukiut 50-it matuma siorna eqqaaniarneqarneranut atatillugu oqalugiarneq

Qinnuteqaat – Najukkami katersugaasivimmi saqqummersitsinermut kiisalu Blok 5-imi qaartoornerup ukiut 50-it matuma siorna eqqaaniarneqarneranut atatillugu oqalugiarneq

Ulloq juulip tallimaani 2019 Nuummi Najukkami ataatsimiititaliaq aningaasanik tapiissutissanik qinnuteqarfigineqarpoq Nuummi Katersugaasivimmi blok 5-ip 1969-imi qaarneranut atatillugu ukiut 50-it qaangiunneranni oqalugiartoqarnissaanut tunngasunik saqqummersitsinissamut oqalugiarnissamullu atorneqartussanik.

Katillugit 29.000 kr.-nit qinnuteqaatigineqarput.

Qinnuteqaammi ilaatigut ima allassinmavoq:

“ Blok 5-imi ukiut 50-it matuma siorna qaartoqarneranut atatillugu eqqaaniaanermut saqqummersitsineq. Tassunga ilanngullugu unnukkut oqalugiarniluni saqqummiineq. Nuummi inuppassuit marsip 14-iani 1969-imi pisoq eqqaamalluarpaat, tassami Blok 5 tamarmi aserorluni gassimik amiilaarnartumik qaartoortoqarmat sanasut qulingilua ajunaarfigisaannik. Tamanna eqqaaniarneqassaaq marsip 14-ianni 2020-imi tassami ullormi tassani ajunaarneq ukiut 50-it matuma siorna pimmat.

Eqqaaniaanermut atatillugu Eli Damberg maanga qaaqqorusupparput. Taanna ajutoortoqarnerani sanasuvoq peqataallunilu, aseqqukullu ataanni akunnerni qulini ikiortissaminik utaqqisimalluni. Tamanna pillugu atuakkamik saqqummersitsisimavoq tassanilu ajunaarnerup inuunermi sinnerani sunniutai eqqartorlugit.

Saqqummersitsinermi oqalugiarnermilu sammineqartut tassaapput inuit ajunaarnermi annaasaqarsimasut kiisalu inuit Nuup oqaluttuassartaanut soqutiginnittut. Kiisalu sanasutoqqat immikkut qaaqquneri.

Kommunimi Illoqarfimmut pilersaaruserfik suleqatigalugu Blok 5-ip eqqaani eqqaassutissiisoqarnissaa anguniarparput kiisalu Erla Winther ikiuulluortoq saqqummersitsinermik pitsaasumik paasisutissanik ikiuussinnaasoq eqqarsaatigalugu.

Aningaasat piffissami uani atorneqassapput februar- marts 2020 ajutoornersuaq 14/3 ukiut 50-inngornerat immikkut isiginiarlugu.”

Allatseqarfimmit oqaaseqaatit
Soqanngilaq

Inassuteqaat

Inassutigineqarpoq:

- Nuummi najukkami ataatsimiititaliap siunertamut aningaasat tapiissutissatut qinnuteqaatit tunniutissallugit aalajangissasoq

Ilanngussat

1. Qinnuteqaat aamma missingersuut
2. Assi allaaserisarluni

Beslutning

Qinnuteqaat akuersissutigineqassasoq aalajangerneqarpoq, siunertamullu 29.000 koruuninik tapiissuteqartoqarluni.

Punkt 5G: Qinnuteqaat – Meeraaffik, Nuummi Katersugaasivik

Qinnuteqaat – Meeraaffik, Nuummi Katersugaasivik

Najukkami Ataatsimiititaliaq juulip tallimanni 2019 Nuutoqqami / Nuummi Katersugaasivianit, Niels Lyngep illuani saqqummersitsinissamat, aningaasanik tapiiffiqineqarnissamik qinnuteqaammik tigusaqarpoq. Katillugit 40.000 koruunit qinnuteqaatigineqarput.

Saaffiginnisummi ilaatigut ima allaqqavoq:

“Nunat Avannarliit Nuummi kulturisioqatigiinnerat 2019-imut atatillugu kingornalu suliniummi Nuummi innuttaasut peqataatinniarnissaat meeraaffillu pillugu eqqaasaqarnissaat saqqummersitsinermi siunertaavoq. Nuummi katersugaasiviit pingasut (Nuutoqaaq/Nuummi Katersugaasivik, Nuummi Eqqumiitsulianik Saqqummersitsivik aamma Nunatta Katersugaasivia) Niels Egedep illua atorluarniarpaat illoqarfimmilu innuttaasut avataaneersullu angerlarsimaffimmi tassani allatulaaq misigisaqartinniarpaat.

Niels Lyngep Illua Gertrud Raskvej 24-miippoq, illulu eriaqartutut paarineqarsimavoq pisataqarlunilu 1950-ikkunneersunik, taakkulu piffissamat tassunga oqaluttuurtuupput. Palasimit Niels Lyngemit illu pigineqarsimavoq. Illu qaliaqarpoq, ataaniippoq Niels Lyngep inai, qulaaniippullu saqqummersitsiviit, saqqummersitsivinnilu saqqummersitat taarserarneqarsinnaapput. Illu Nuutoqaaq/Nuummi Katersugaasiviup akisussaaffigaa.

***Ini allermi** podcastimik aallakaatitsissaagut, tassani 50-ikkunni radiukkut aallakaatitsisut nipilersortullu Lisa Lyngep Hesseldahlip (Niels Lyngep pania) illumi illoqarfimmilu meeraanerminik oqaluttuai ilanngullugit tusarnaarneqarsinnaassallutik. Nunat Avannarliit Nuummi kulturisioqatigiinneranni ini allermi oqaluttartoq aliannaartitsisorlu aallakaatinneqassaaq. Nunat Avannarliit Nuummi kulturisioqatigiinnerata kingorna podcast Nuutoqqami/Nuummi Katersugaasivimmi tusarnaarneqarsinnaasutut neqeroorutinut ilanngunneqassaaq (...)*

***Inimi qullermi** Nuummiut pisatai, meeraaffik qulequtaralugu, ilanngullugit saqqummiukkusuppagut. (...) Pisatamarmik katersorneqarnerani oqaluttuurtai ilanngunneqassapput, tassani meeraaffimmut sumut ilisarnaataanersoq, eqqaassutissaanersorluunniit takutinneqassaaq.*

LARM Niels Lyngep Illuani saqqummersitsinerup saniatigut illoqarfimmi "kaajallaasitsilluni" plakatit suliniutitigullu saqqummiussissaaq, innuttaasullu illoqarfimmi inuillu Nuuk Centerimi Katuamilu workshoppertinneqarneratigut peqataatinneqarlutik. LARM-ip suliniutaani illoqarfimmi avatangiisit peqataatinniarneqartarput, peqataatitsinikkullu saqqummersitat ilusilersorneqartarput - tassa saqqummersitsinerusinnaapput, tamanut saqqummiussaasinnaapput allalluunniit.

Angissutsinut tamanut isersimmatinik alersersuarnilluunniit nuersaatitsissaagut pulaartunit atorneqarsinnaasunik (tassa skuut qaavisigut tungujortunik atisititsinata), taamaalilluta angerlarsimaffippalaartitsilluni piffissami tassani illumi saqqummersinneqartumut assingunerussamat. ”

Aningaasaqarnermut Allatseqarfimmit oqaaseqaatit

Nunat Avannarliit Nuummi kulturisioqatigiinnerat 2019-imut atatillugu Nuummi Najukkami Ataatsimiititaliaq tulliuttunut aningaasanik tapiissuteqarpoq:

- Nunat Avannarliit Nuummi kulturisioqatigiinnerat (angerlarsimaffeqanngitsunut tajat akeqanngitsut, kiisalu meeqqanut inuusuttunullu aaqqissuussat): 300.000 kr.

- Teater Freez Productions (Blokkinin Narsarsuarmi isiginnaartitsineq): 200.000 kr.

- Nordisk Koncertkor (Nunat Avannarliit Erinarsoqatigiivi): 34.000 kr.

Ukioq 2019-imi Nunat Avannarliit Nuummi kulturisioqatigiinnissaat Kommuneqarfik Sermersuumit katillugit 800.000 koruuninik aningaasaliiffigineqarpoq.

Kommunip 2019-imut missingersuutaaniit 300.000 koruunit kiisalu Aningaasaateqarfik Sermeq aqqutigalugu 500.000 koruuninik immikkoortitsisoqarpoq.

Kulturimut Aaqqissuussisarnermullu Immikkoortortaqarfik

Kulturimut Aaqqissuussisarnermullu Immikkoortortaqarfimmit oqaatigineqarpoq, Nuup kulturikkut erlinnartuutaannik allangortitsineq soqutiginaateqartoq. Suliniummi innuttaasut peqataatinnearput, illoqarfimmi inuiaqatigiit sammisaqartinneqarput, peqataasullu tikeraartullu Nuummi angerlarsimaffiup qanoq ittuuneranik eqqarsalersinneqarlutik. Kulturimut Aaqqissuussisarnermullu Immikkoortortaqarfiup illoqarfimmi kulturikkut suliallit suliffeqarfiit amerlanerusut suleqatigiitarnissat kissaatigaa, tamannalu tunngavigalugu ataatsimut qinnuteqaat taperserlugu.

Inassuteqaat

Inassutigineqarpoq:

- suliniut aningaasatigut tapiiffigineqassanersoq Nuummi Najukkami Ataatsimiititaliamit aalajangiiffigineqassasoq

Ilanngussat

1. Qinnuteqaat missingersuutitalik

Beslutning

Nivi Christensen aamma Ujammiugaq Engell suliamut attuumassuteqarnertik pissutigalugu aalajangeeqataasinnaanatik nalunaarput, inilu qimallugu.

Qinnuteqaat akuerineqassasoq aalajangerneqarpoq siunertamullu 40.000 koruuninik tapiissuteqartoqarluni oqaaseqaatigalugu, Nunat Avannarliit Nuummi kulturisioqatigiinneranit sivilisunerusumik saqqummersitat ilaasa saqqummersinneqarnissaat assut pitsaasuusoq.

Punkt 5H: Qinnuteqaat – Kalaallisuunik meeqqanut sammisaqartitsineq,

Qinnuteqaat – Kalaallisuunik meeqqanut sammisaqartitsineq, Kittat, Illorput, Kulturikkut Isumassarsiorfiup aamma Nuup Katersugaasiviata (Nuutoqaq) suleqatigiissutaat

Nuummi najukkami ataatsimiititaliaq ullormi juuli 5-iani 2019-imi aningaasanik qinnuteqaammik tigusaqarpoq, tassanilu Nuup Katersugaasiviani suliniut “meeqqanut kalaallisuunik sammisaqartitsinermut” atatillugu ilaqutariinnut sisamariarluni isumasioqatigiisitsisoqarnissaa sammineqarluni.

Katillugit 10.000 kr.-nit qinnutigineqarput.

Qinnuteqaat ilaatigut ima allassimavoq:

”Kittat, Illorput, Kulturikkut isumassarsiorfiup aamma eqqumiitsuliortup Susanne Jensenip suleqatigiillutik kalaallisuut meeqqanut soqutigineqarnerulernissaat pillugu suleqatigiissutiginiarpaat. Meeqqat atuarfianni atuartut tamaasa peqatigalugit eqqumiitsuliornikkut kiisalu Nuutoqqami ilaqutariinnut isumasioqatigiisitsinikkut tamanna ingerlanneqassaaq.

2019-imi upernaakkut Kittat aamma Kulturikkut isumassarsiorfik Lene Augusta Olsen aamma Susanne Jensen siuttoralugit atuaqatigiiaat arlallit marriornermik eqqumiitsuliornermillu Illorpummi atuarfinnilu arlalinni sammisassaqtissimavaat.

Kalaallisuut meeqqanit soqutigineqarnerulernissaat tassani siunertaasimavoq, tassa meeqqanut soqutiginartumik sammisitsinikkut. Kajumilersitsiniarnermut tunngavimusimavoq pinngorartitsilluni sulinikkut meeqqallu peqataatillugit kalaallisuut qanoq isikkussai ilusissaalu ilisserusiortillugit.

(...) Pinngorartitsinermut sulineq Nuutoqqami / Nuup Katersugaasiviani nangeqqinneqassaaq piffissami oktobarimit novembarimit 2019-imi. Upernaq sananeqarsimasut meeqqanit suleqataasimasunit nivinngarneqassapput. Piffissami aamma tassani meeqqat atuarfianni atuartunit suliaq nangeqqinneqarsinnaassaaq tassami atuaqatigiit najukkami katersugaasivimmi workshoppertinneqassagamik. Kulturikkut Isumassarsiorfimmi tamanna pissaaq. Meeqqat atuarfianni atuartut workshoppit uku peqataaffigisinnaassavaat:

- Pampache atorlugu sapannganik angisuunik sanariarluni sapannganik ilusilersuilluni nuisineq nuilarmiorujussuarmik sananissamut atugassanik.*
- Avittat ilusissaannik sanariarluni avittarluni, taannalu takisoorujussuannngortinneqassalluni.*
- Puisit amisut, pappiaqqamut qalipariarlugit avittanik kusassarlugit imaluunniit sapannganik ilusilersuiffigalugit.*

Aamma ilaqutariit katersugaasivimmut alakkaasinnaapput qulaanilu suliniutini pingasuusuni arlaannut suleqataasinnaallutik, taakkulu oktobarimi novembarimilu ingerlaassallutik. Ilaqutariinnut najukkami katersugaasivimmi workshoppertitsinissamut Nuummi Najukkami ataatsimiititaliamut aningaasat qinnutigineqarput.

Suliniut tamanoortuuvoq, tassa ilaqutariinnut aamma meeqqat atuarfianni atuartunut. Suliap sapernassusaa meeqqat ukiuinut naleqqussarneqassaaq.”

Allatseqarfimmit oqaaseqaatit

Kultureqarnermut immikkoortorta qarfiimmit oqaaseqaatit

Kultureqarnermut immikkoortorta qarfiup erseqqissarusuppaa suliniutip tamanut ammasuunera. Eqqumiitsuliortunit taaneqartunit workshoppit taama ittut Kulturikkut isumassarsiorfimmi neqeroorutaasuni nuannarineqartorujussuupput. Taamaattoq atuartunit oqaatigineqartarpoq angajoqqaat ilagalugit workshoppit nangeqqikkusuttarlugit. Taamaammatt meeqqat atuarfianni atuartunut Kulturikkut isumassarsiorfiup neqeroorutaanut uiggiutitut ilaqutariinnut workshoppertoqarnissaanut atugassanik qinnuteqaat tapersorsorparput. Kommuneqarfik Sermersuup politikkaa nutaaq ersarisoq tassaavoq ilaqutariinnut tamanut eqqumiitsuliornikkut pinngorartitsinikkullu sammisassaqtitsinerit pitsanngorsaavigissallugit suliniuteqarnissat.

Inassuteqaat

Inassutigineqarpoq:

- Nuummi Najukkami ataatsimiititaliap siunertanut atorneqartussanik aningaasanik tapiissutinik tunniussisoqassasoq.

Ilanngussaq

1. Qinnuteqaat aamma missingersuut

Beslutning

Qinnuteqaat akuerineqassasoq aalajangerneqarpoq oqaaseqaatigalugu taamatut annertussusilinnik qinnuteqaatit siunissami kommunip nammineq missingersuutaanit aningaasaliiffigineqarsinnaassassasut.

Punkt 5I: Qinnuteqaat - Lumnious Greenland, Qinngorput Ukkusissaq

Qinnuteqaat - Lumnious Greenland, Qinngorput Ukkusissaq

Nuummi Najukkami Ataatsimiititaliaq aggustip tallimaanni 2019-imi, decembarip qeqqani 2019-imi Ukkussiamut qullersualiinissamut aningaasatigut tapiissuteqarfigineqarnissamut qinnuteqaammik tigusaqarpoq. Qullersuaqartitsinissaq sap. ak. sivilissuseqassaaq.

Katillugit qinnutigineqarput 243.123,00kr.

Qinnuteqaammi ilaatigut ima allaqqavoq:

”Suliniuummi Kalaallit Nunaata pinngortitarsua imaluunniit saqqaat qaallorissut atorineqassapput kalaallinut takussutissanngorlugit aamma nunarsuarmioqatitsinnut. Takorluulaarsiuk, qaqqat qaallorissut pinngortitatsinnilu kusanartumi sikorsuit nuna innarlinngikkaluarlugu qalipaartilersorlugit ilusilersukkanillu kusassarsimasut. Innuttaasutsinnut, meeqqanut ilaqutariinnullu misigisassa qarfigissatut periarfissaq.

Aaqqissuusamut elektroniskimik nipilersortartoq Hans-Ole Amossen (Da Bartali Crew) suleqatigalugu eqqissisimasumik misiginartunik assilianik nipitalinnik (soundscape) qullersuarnut ikkussinermi tunuliaqutaqartitsisoqassaaq. Eqqumiitsuliorloq Frederik ”Kunngi” Kristensen taalliami ilaat nuannerluinnartoq eqqumiitsulianik ilalerlugu segersissillugu takusassiarissamaarpaa.

Innutaasunik peqataatitsiniarnitsinni ikkussuinerme kajumissutsiminnik ikiuussinnaasunik ujarlissaagut.

Aaqqissuusaaq 2019-imi decembarip qeqqani ingerlassaaq sapaatip-akunneratalu missaani ikumatinneqassalluni.”

Suliniuummut nassuiaat missingersuutillu ilanngullugit nassiunneqarput.

Aningaasaqarnermut Allatseqarfigimmit oqaaseqaatit

Projektet Lumnious Greenland kommunimi aningaasaateqarfik Sermimit 150.000 koruuninik taperneqarpoq.

Nuummi Najukkami Ataatsimiititaliaq 2018-imi siunissami qullersualersuinissamut pisiortornissamut 118.658 koruuninik tapiissuteqarpoq. Qullersuit kingullermik 2019-imi unnuk kulturisiorfimmi blok 9-p aamma 10-llu saqqaannik seqqeqasinneranut atorineqarput. Qullersuit kommunimit pigineqartussanngorlugit pisarineqarput ilaatigullu isiginnaartitsivinni aaqqissuussinerni atorineqarsinnaallutik.

Inassuteqaat

Inassutigineqarpoq:

- suliniut aningaasatigut tapiiffigineqassanersoq Nuummi Najukkami Ataatsimiititaliamit aalajangiiffigineqassasoq

Ilanngussat

1. Qinnuteqaat
2. Suliniummik nassuiaat
3. Missingersuut

Beslutning

Naleraq Eugenius suliamut attuumassuteqarnini pissutigalugu aalajangeeqataasinnaanani nalunaarpoq, inilu qimallugu.

Qinnuteqaatip akuersissutigineqarnissaa aalajangerneqarpoq, 243.123,00 koruunillu tapiissuteqarfigineqassasoq oqaaseqaatigalugu aningaasaliinikkut Kommuneqarfik Sermersuup qulliit pisiarinqartut pigilissagai.

Qullilersuinermut atatillugu ulloq siulleq ikinneqarpata Najukkami Ataatsimiititaliaq aqqissuussissaaq innuttaasut tamaasa kissartutoriartornissaannut kakaavimik, æbleskiverinik assigisaannillu qaaqquneqarlutik.

Punkt 5J: Qinnuteqaat – Nunani Avannarlerni Unikkaat Oqaluttuallu

Qinnuteqaat – Nunani Avannarlerni Unikkaat Oqaluttuallu

Ulloq 5. aggusti 2019 Nuummi Najukkami Ataatsimiititaliaq SEID Productions-imiit aningaasanik tapiiffigineqarnissamik, akeqanngitsumik Nuummi ulluni 14.-27. oktobari 2019-imi "Unikkaat Oqaluttuallu" qulequtaralugu aqqissussap ingerlanneqarnissaanut, tigusaqarpoq. Qinnutigineqartut katillugit 55.800 koruuniupput.

Qinnuteqaammi ilaatigut ima allaqqavoq:

"Pilersaarutigineqartup siunertaa ingerlaneralu:

1. Nuummi oktobarip qaammataani sapaatip-akunnerit marluk ingerlaneranni SEID Productions unnuit marluk Unikkaat Oqaluttuallu assigiinngitsumik sammineqarnissaannut qaaqquusivoq. Unnunni marlunni Nuummi innuttaasut silarsuarmik tupinnartumik misissukkatsinnut peqataanissaminnut periarfissaqassapput. Oqaloqatigiinnernut aggersaavugut, tassani oqaluttuat uumasullu nassaagut pillugit paasissutissat agguaatissavagut, peqataasunullu kaammattuutigissavarput namminneq misigisaminnik, Kallaalit Nunaanni Nunallu Avannarliit sinnerani aamma/imaluunniit oqaluttuat pillugit eqqaamasaminnik oqaluttuaqqullugit.

Unnuit Katuami imaluunniit Nunatta Isiginnaartitsisarfianni ingerlanneqassapput soorunalumi kaffeqarlunilu teeqassaaq. Taamatut unnunik ingerlatsinissami siunertaavoq, uagut nammitsinnik unikkaarutitta oqaluttuaatitalu Nunani Avannarlerneersut puigutsaaliorlugillu ingerlateqqinneqarnissaat, taamatullu Nuummi innuttaasut unnunik nuannersunik kulturimullu tunngasunik peqatigiiffigissavaat, ilikkagaqarnerup saniatigut neriunnarpoq ataqatigiittoqalernissaa ilaqutariittullu misigisoqarnissaa, pingaartumik taamatut misiginissamik amigaateqartunut.

Aamma Nuummi inunnik aaljangersimasunik aggersaassaagut, qulequtarineqartumut immikkut ilisimasaqartunik, ilisimasaminnik eqqartuillutillu avitseqateqartussanik. Soorlu isiginnaartitsisartut, atuakkiortut allallu.

2. Sapaatip-akunnerini marlunni taakkunani, SEID Productions aamma ualinut marlunnut meeqqanut inuusuttunullu qitinnermik nittarsaassinnermut aggersaasoqassaaq. Qitinnermik ilinniartitsinerit qulequtarineqartumut Unikkaat Oqaluttuallu tunngaveqassapput, meeqqallu taakkua inuttai assigiinngitsut misissorsinnassavaat. Qitinnermik ilinniartitsinerit nuannersut, pinngorartitsisut ilikkagaqarfusullu, taakkunani peqataasut qitinnerup oqaluttuallu silarsuaata qanoq ittuuneranik paasisaqassapput.

Taamatut takutitsinissami siunertarineqarpoq, Nuummiut tamarmik peqataatinneqarnissaat pilersaarutigineqartumillu nuannisartinneqarnissaat, qanorluunniit aningaasatigut inissisimagaluaaraanni, qassinilluunniit ukioqaraluaaraanni aamma allatut inuiaassuseqaraluaaraanni. Aaqqissuussinerit tamarmik akeqassanngillat tamanullu ammasuullutik."

Missingersuut tamakkiisoq suliniummullu nassuiaat qinnuteqaammut ilanngunneqarput. Ilanngussaq 1-3-mut takukkit.

Aningaasaqarnermut Allatseqarfimmit oqaaseqaatit

Kultureqarnermut Aaqqissuussisarnermullu Immikkoortortaqarfimmit oqaaseqaatit

Kultureqarnermut Aaqqissuussisarnermullu Immikkoortortaqarfiup Nunani Avannarlerni unikkaat oqaluttuallu katersorneqarnerannik suliniuteqarneq tapersorsorpa. Taamaattorli paasisat sumut atorniarneqarnerisa allaaserineqarnera amigaatigineqarpoq. Saniatigut kulturikkut suleqataasinnaasunik suli amerlanerusunik, qulequttamut ilanngussisinnaasunik, peqarnissaa kissaatiginarpoq.

Inassuteqaat

Inassutigineqarpoq:

- suliniut aningaasatigut tapiiffigineqassanersoq Nuummi Najukkami Ataatsimiititaliamit aalajangiiffigineqassasoq

Ilanngussat

1. Qinnuteqaat
2. Suliniummik nassuiaat
3. Missingersuut

Beslutning

Qinnuteqaatip akuersissutigineqarnissaa aalajangerneqarpoq siunertamullu 55.800 koruunit tapiissutigineqarlutik.

7 akuersippit 3 taaseqataanngillat. Nuummi Najukkami Ataatsimiititaliap unikkaat oqaluttuallu allatut ingerlatiinnarniarlugit iliuuseqartoqarnera pitsaasutut isigaa, taamaattorli suliniummut sukumiinerusumik pilersaarummut siunnersuut amigaatigalugu - kina oqalugiassava, qanoq innuttaasunut saqqummiunneqassava, suna siunertaava? Taamaattumik aaqqissuussamut workshoppimullu siunertap Nuummi innuttaasunut ersarissumik nalunaarutigineqarnissaa Najukkami Ataatsimiititaliamit neriututigineqarpoq. Tassugna ilanngullugu oqaatigineqassaaq, ininik attartornissamut assigisaannullunniit tunngatillugu ilaatigut Nunatta Atuagaateqarfia suleqatigineqarsinnaassasoq.

Punkt 5K: Qinnuteqaat – Kokoro Live, Nunat Avannarliit Nuummi kulturisioqatigiinnerat 2015

Qinnuteqaat – Kokoro Live, Nunat Avannarliit Nuummi kulturisioqatigiinnerat 2015

Najukkami Ataatsimiititaliaq aggustip tallimaanni 2019 Nunat Avannarliit Nuummi kulturisioqatigiinnerata ingerlanneqarnissaanut atatillugu Kokoro-koncertimut, tusarnaartitsinissamut, aningaasanik tapiiffigineqarnissamik qinnuteqaammik tigusaqarpoq. Katillugit 10.000 koruunit qinnuteqaatigineqarput nipilersortut sisamat erinarsoqatigiillu akissarsiassaannut atugassat.

Saaffiginnissummi ilaatigut ima allaqqavoq:

“Nunat Avannarliit Nuummi kulturisioqatigiinnerat (NNK) ingerlanneqarnissaanut atatillugu nipilersortartukkalu qaaqusaavugut saqqummersitarput Kokoro-albummi kulturisioqatigiinnermi appisimaarnissaanut: oqaatsit arfineq-pingasut atorlugit erinarsuutit asanninilersaarutit arfineq-pingasut. (...) NAPA angalanissamut tapersiivoq, maannalu akissarsiassatsinnut tapersernejarnissatsinnut Nuummi Najukkami Ataatsimiititaliamut qinnuteqarpugut.

Kokoro-tusarnaartitsineq immikkkuullarissaq tusarnaartitsissutigissavarput, maaniinnerpullu iluatsillugu tusarnaartitsinernili allani, workshoppernemi attaveqaatit akornanni sammisassaqaartitsiniutini peqataasassaagut.

Isiginnaartut immikkkuullarissamik, oqaatsit kulturillu akoorlugit, misigisaqassapput. Tusassavaat oqaatsit qanoq nipilersuummut sunniuteqartartut, nipilersuutit oqaatsit allat atorlugit tusarnaassavaat minnerunngitsumillu nipilersorneq eqqarsartaatsikkut paasineqanngikkaluarluni uummatikkut attortinnartuusoq malugissavaat.

NNK-p peqataasunut inummumut ataatsimut 2.700,-nik akissarsisitsissaaq, tamannalu ullorpassuarni sulineq eqqarsaatigalugu annikitsuararsuuvoq. Taamaattumik tamatigoortumik eqqumiitsuliortutut suliniuteqarnitsinnut naleqquttumik akissarsinissatsinnut 10.000 koruuninik agguagassatsinnik ajunngisaaruteqarnissarsi neriutigaarput.”

Aningaasaqarnermut Allatseqarfimmit oqaaseqaatit

Nuummi Najukkami Ataatsimiititaliaq Nunat Avannarliit Nuummi kulturisioqatigiinnerat 2019-imut atatilulgu tulliuttunut aningaasaliissuteqartoq ilisimatitsissutigineqarpoq:

- Nunat Avannarliit Nuummi kulturisioqatigiinnerat (angerlarsimaffeqanngitsunut tajat akeqanngitsut, kiisalu meeqqanut inuusuttunullu sammisassaqaartitsiniutit): 300.000 kr.

- Teater Freez Productions (Blokkinis Narsarsuarmi isiginnaartitsineq): 200.000 kr.

- Nordisk Koncertkor (Nunat Avannarliit Erinarsoqatigiivi): 34.000 kr.

Ukioq 2019-imi Nunat Avannarliit Nuummi kulturisioqatigiinnissaat Kommuneqarfik Sermersuumit katillugit 800.000 koruuninik aningaasaliiffigineqarpoq.

Kommunip 2019-imut missingersuutaaniit 300.000 koruunit kiisalu Aningaasaateqarfik Sermeq aqputigalugu 500.000 koruuninik immikkoortitsisoqarpoq.

Inassuteqaat

Inassutigineqarpoq:

- suliniut aningaasatigut tapiiffigineqassanersoq Nuummi Najukkami Ataatsimiititaliamit aalajangiiffigineqassasoq

Ilanngussat

1. Qinnuteqaat

Beslutning

Qinnuteqaat itigartitsissutigineqassasoq aalajangerneqarpoq, oqaaseqaatigalugu aaqjissuussaq innuttaasunut tamanut ammasuunngimmat.

Punkt 6: Taasariaqartut allat

Beslutning

Nuummi Najukkami Ataatsimiititaliap ileqquusumik oktobarimi ataatsimiinnissaa allamik ullulernerqassasoq Nivi Christensenip siunnersuutigaa, ataatsimiinnissamut ulluliussaq 8. oktobari Nunat Avannarliit Nuummi kulturisioqatigiinneranni pisussaammat.

Taarsiullugu ataatsimiinnerup marlungorneq 15. oktobarimut nuunneqarnissaa akuersissutigineqarpoq. Aningaasanik tapiiffigineqarnissamut qinnuteqaatinut piffissaliussaq taamatuttaaq oktobarip arfernanut nuunneqassaaq. Kommunip nittartagaani iluarsineqarnissaa Allatseqarfimmit isumagineqassaaq.

Punkt 7: Imaqarniliap akuerineqarnera